

Faataitaiga o Mafutaga Anoa i le Talafaasolopito o le Ekalesia ma le Mataupu Faavae ma Feagaiga

Faataitaiga 1

Ina ua mavae lana asiasiga i le Mauga o Kumora ia Setema 1823, na faasoa mai e Iosefa Samita ni faamatalaga e uiga i le mea na tupu ma asiasiga a le agelu o Moronae i lona aiga. Sa faaaauau pea ona faasoa atu e Iosefa mea na tutupu ma faaaliga ia i latou e sili ona latalata ia te ia. O le toe manatuaina o nei fetaitaiga paia, na tusia ai e le tina o le Perofeta, o Lusi Maka Samita le mea lenei:



O afiafi uma lava matou te faapotopotoina faatasi ai le ma fanau. Ou te manatu sa matou tuuina atu se vaega sili ona tulaga ese o soo se aiga sa ola i luga o le fogaeleele, o loo nonofo uma i se lio, tama, tina, atalii, ma afafine o loo faalogologo ma le popole tele i aoaoga faalelotu a se tamaitiiti. . . .

. . . O le tuufaatasiga sili ona matagofie ma le fiafia na faatumulia ai lo matou fale. E leai se siā po o se feeseeseaiga na faalavelaveina lo matou filemu, ma sa nofotupu le filemu i lo matou lotolotoi. (Lusi Maka Samita, i le *Aoaoga a Peresitene o le Ekalesia: Iosefa Samita* [2007], 486)

- O le a se mea e tulaga ese mai ia te oe e uiga i le aiga o Samita mai lenei tala?
- Mata na faapefea ona fesoasoani le alofa na lagona e Iosefa i le aiga ia te ia e faataunuu ai lona valaauga taua?
- O le a se mea ua e aoao mai i lenei faataitaiga e uiga i le ala e mafai ai e le Atua ona faamanuiaina oe, pe mafai faapefea ona e fesoasoani i isi ia faamanuiaina, e ala i mafutaga anoa?

Faataitaiga 2

A o nofo ai i Navu, Ilinoi, na manatunatu Iosefa Samita i faamanuiaga o mafutaga anoa:



O le a ou manatu i ai o se tasi o faamanuiaga silisili, pe afai ou te puapuagatia i lenei lalolagi, ina ia fai sa'u vili i le mea e mafai ona ou maua ai ni uso ma ni uo eo siomia ai a'u. (*Aoaoga: Iosefa Samita*, 466)

- E mafai faapefea e aiga ma uo ona fesoasoani ia i tatou pe a tatou feagai ma luitau faigata?
- O a nisi o auala e mafai e aiga ma uo ona faamanuiaina ai o tatou olaga?

Faataitaiga 3

Faitau le Mataupu Faavae ma Feagaiga 108:7, ma vaavaai mo fautuaga faaopoopo na tuuina mai e le Alii ia Laimani Sherman o le Fitugafulu.

- Aisea e ono faigata ai i nisi taimi ona mulimuli i lenei fautuaga?
- O anafea na e lagonaina ai le faamalosia po o le siitiaina i se fegalegaleaiga ma se isi tagata?